

## La Tuha Sacrada

Que vos vau contar ua istòria que's passè hèra luènh d'ací, hèra hèra luènh.

Quan èri joven , que vivèvi a Mandawà, un vilatge entornejats de bòsc. Un ser, l'Ancian deu vilatge que'm contè la legenda de la Tuha Sacrada.

Dens un dacryacarpus, que vivèva ua familha de tuhas. Quan los parents que se'n anavan cercar lo minjar, los tres petits que demoravan solets dens lo nís. Mès un dia, la mei petita tuha que voló seguir los sués pairs. Mès praubòt, non sabèva pas volar e que cadó deu nis.

Dens la sua caduda, qu'estè gahat per un faucon que le portè hòrt luenh de la sua casa e que l'estoishè pròche d'un arriu. Que cerquè tà arretrobar lo sué nis e, suu camin, qu'encontrè un gibbon que le portè dens la sua tribu. Aquí qu'aprenè tà desplaçà's de lianas en lianas dinc au dia on prengó la volada. Que volè longtemps e ne s'arrèstava pas sonque tà béver. Pròche d'un petit arriu, qu'encontrè un tropèth d'elefants. Que demorè quauques temps dab eths de tan aflaquit qu'èra. Mès qu'avèva la nostalgia deu sué país e que se'n tornè de cap a eth. Fin finau qu'arretrobè lo sué dacryacarpus mès pas nat de nís. Que's refugiè en devath d'ua taulada e qu'ei un mainat, aperat Viraj, que l'arretrobè un ser d'estiu. Prumèr lo pichon que menè quauquas granas e pauc a pauc l'auseron non s'esconó pas mei. Dab eth qu'avèva trobar ua familha. Las annadas que passèn. La petita tuha e lo mainat que creishèn amassa. Ua nuèit, un huèc que miaçè lo vilatge. Tot lo monde que dromèvan. La tuha, era, que's passejava e que vedó las flamas. Alavetz, que piulè hòrt tà desrevelhar lo vilatge. Los gibbons qu'entenón los cuics de la tuha e qu'arribèn còpsèc tà ajudar l'auseron. Puish los elefants Qu'arribèn tanben. Los monards de tan que cridèn, que tot lo monde que's desrevelhèn e los elefants qu'ensatjèn d'escantir lo huèc. Au matin los vilatgés qu'estèn sauvats mès que mancava Viraj. Questó arretrobat au pè deu dacryacarpus e que plorava pr'amor que l'ausèth qu'èra mort. Lo gojat que contè los expleits de l'ausèth qu'avèva sauvat lo vilatge. Alavetz qu'estó decidat que la tuha que serè celebrava cada annada e atau que vengó sacrada.

E cric e crac lo mié conte qu'ei acabat.

E crac e cric lo mié conte qu'ei finit.

